



Broj: 05/7-39-1-158-77/21

Sarajevo, 1. 12. 2021.

Z A P I S N I K

77. sjednice Vijeća nacionalnih manjina BiH, održane 19. 11. 2021.

Sjednica Vijeća nacionalnih manjina BiH počela je u 13 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Mladen Radmilović, Davor Ebner, Nedžad Jusić, Jovanka Manžalović-Šalaka, Hakan Varan, Halil Bicać, Tijana Vučurević, Marija Grbić i Dejan Piotrovski.

Sjednici, iz opravdanih razloga, nisu prisustvovali Eva Pašić-Juhas i Vjeročka Gajić.

Sjednici su, također, prisustvovali Zoran Žuža iz Sektora za odnose s javnošću Parlamentarne skupštine BiH te Aida Kreho, sekretar Zajedničke komisije za ljudska prava.

Na početku sjednice, prilikom rasprave o dnevnom redu, predsjedavajući je – zbog izostanka predstavnika Ministarstva za ljudska prava i izbjeglice BiH – predložio da se odgodi rasprava o drugoj tački dnevnog reda.

Dragan Marković predložio je dopunu dnevnog reda tačkom *Razmatranje Izmjena i dopuna Odluke o utvrđivanju troškova rada Vijeća nacionalnih manjina BiH*, uz obrazloženje da naknade nisu povećavane niti naknada za prijevoz odražava stvarni iznos cijena autobuskih karata.

Dejan Piotrovski predložio je dopunu dnevnog reda tačkom *Realizacija održavanja sjednice Vijeća nacionalnih manjina BiH i sastanka s predstavnicima Saveza i Savjeta nacionalnih manjina RS u Banjoj Luci*.

Svi prijedlozi su prihvaćeni, te je sjednica imala sljedeći dnevni red:

1. Usvajanje Zapisnika 76. sjednice Vijeća nacionalnih manjina BiH;
2. Dogovor o izradi redovnih godišnjih izvještaja i planova Vijeća nacionalnih manjina BiH;
3. Razmatranje Izmjena i dopuna Odluke o utvrđivanju troškova rada Vijeća nacionalnih manjina BiH;
4. Realizacija održavanja sjednice Vijeća nacionalnih manjina BiH i sastanka s predstavnicima nacionalnih manjina u Banjoj Luci;
5. Tekuća pitanja.

Ad. 1. Usvajanje Zapisnika 76. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda.

Nedžad Jusić iznio je primjedbu na sadržaj Prijedloga zapisnika, tražeći da se u dijelu rasprave o trećoj tački *Razmatranje mogućnosti rješavanja problema predstavljanja nacionalnih manjina od nelegitimnih predstavnika manjina* unese način izjašnjavanja članova Vijeća nacionalnih manjina BiH o prijedlogu da se 's ciljem pokušaja sprečavanja zloupotrebe instituta izjašnjavanja pripadnosti konstitutivnim narodima ili grupi ostalih', Vijeće obrati Interresornoj radnoj grupi za izmjenu izbornog zakonodavstva, s molbom pooštavanja relevantnih odredbi Izbornog zakona Bosne i Hercegovine koje se odnose na ovu temu', odnosno da se naznači da su protiv glasali: Tihomir Knežiček, Jovanka Manzalović-Šalaka, Marija Grbić i Jakob Finci, te da je suzdržana bila Tijana Vučurević.

U raspravi su učestvovali: Tihomir Knežiček, Jovanka Manzalović-Šalaka, Marija Grbić i Andrija Svatok.

Imajući u vidu primjedbe na Prijedlog zapisnika, odgođeno je izjašnjavanje do naredne sjednice.

Ad. 2. Dogovor o izradi redovnih godišnjih izvještaja i planova Vijeća nacionalnih manjina BiH

Nakon što je sekretarka podsjetila na obavezu izrade redovnog godišnjeg izvještaja o radu i plana rada za narednu godinu, dogovoreno je da se nacrti oba dokumenta pripreme za narednu sjednicu, te da svi članovi dostave svoje sugestije za dopune (posebno sa aspekta promoviranja rada Vijeća nacionalnih manjina BiH u medijima).

U raspravi su učestvovali Nedžad Jusić i Velibor Kuvač.

Po okončanju rasprave, dogovoreno je da Ured sekretara za narednu sjednicu pripremi nacrt izvještaja o radu Vijeća za 2021. godinu i nacrt plana rada Vijeća za 2022. godinu, te da svi članovi dostave svoje prijedloge i sugestije ili putem e-maila ili na narednoj sjednici.

Ad. 3. Razmatranje izmjena i dopuna Odluke o utvrđivanju troškova rada Vijeća nacionalnih manjina BiH

Raspravu o ovoj temi predložio je Dragan Marković, te je predsjedavajući dao riječ predlagачu, radi detaljnijeg obrazloženja. Predlagач je ponovio potrebu izmjene teksta Odluke o utvrđivanju troškova rada Vijeća nacionalnih manjina BiH sa aspekta povećanja naknade za rad i iznosa koji za prijevoz dobivaju članovi Vijeća, navodeći da je osnovica za obračun plaće povećana, te da su cijene autobuskih karata po kojima se vrši obračun naknade za prijevoz povećane. Imajući u vidu navedeno, predloženo je da predsjedavajući Vijeća održi sastanak s predstavnicima Zajedničke komisije za administrativne poslove, te da se dogovore daljnje aktivnosti.

Sekretarka je podsjetila da iznos osnovice za obračun plaće nije povećan i da je – u skladu sa zaduženjem s prethodne sjednice – obavljen razgovor s nadležnim iz Sektora za finansije, o čemu su članovi obaviješteni na vrijeme, te da je zaključeno da je potrebno da se od odgovarajućeg autobuskog prijevoznika dobije potvrda o povećanju cijene karte na osnovu kojeg će iznos naknade za prijevoz biti korigiran.

U raspravi je učestvovala i Jovanka Manzalović-Šalaka.

Po okončanju rasprave, predsjedavajući je predložio da se objašnjenje sekretarke primi k znanju, te da članovi dostave potvrde o promjeni cijene karte od mjesta prebivališta do mjesta održavanja sjednice.

Ad. 4. Realizacija održavanja sjednice Vijeća nacionalnih manjina BiH i sastanka s predstavnicima nacionalnih manjina u Banjoj Luci

Dejan Piotrovski podsjetio je na nerealizirani zaključak Vijeća nacionalnih manjina BiH da se sjednica i sastanci s predstavnicima Savjeta i Saveza nacionalnih manjina RS-a održe do kraja godine, imajući u vidu da su prethodni pokušaji da se ovi događaji zakažu – odgođeni zbog pogoršanja epidemiološke situacije u BiH usljed pandemije COVID-19.

Članovi Vijeća jednoglasno su, nakon rasprave u kojoj su učestvovali Dejan Piotrovski, Jovanka Manzalović-Šalaka, Andrija Svatok, Nedžad Jusić i Mladen Radmilović, zaključili da se sjednica i sastanci, u skladu sa zaključkom, održe početkom 2022. godine.

Ad. 5. Tekuća pitanja

a) Na prijedlog Davora Ebnera, Vijeće nacionalnih manjina BiH, jednoglasno je podržalo upućivanje dopisa Sudu BiH s molbom za informaciju da li je i šta urađeno u vezi sa slučajem nestanka maloljetne Romkinje Merime Mučišta;

b) Na prijedlog Tihomira Knežičeka, a imajući u vidu saznanje da je Vijeće nacionalnih manjina FBiH na ograničen broj adresa dostavilo '**pozivno pismo**' za nominaciju novih članova Vijeća, što je onemogućilo svim predstavnicima nacionalnih manjina da prijave svoje kandidate, uslijedila je rasprava o legitimnosti upućenog 'pozivnog pisma' od Vijeća nacionalnih manjina FBiH. U raspravi su, također, učestvovali: Velibor Kuvač, Nedžad Jusić, Jovanka Manzalović-Šalaka i Marija Grbić, kada je dodatno navedeno da su i oni došli do saznanja da je rok za prijavu bio sedam dana, te da se nije radilo o **javnom pozivu** za nominiranje članova nacionalnih manjina, već o 'pozivnom pismu', što jasno utiče na transparentnost i izbora i rada Vijeća nacionalnih manjina FBiH. Istovremeno je, također, ukazano i na činjenicu da osnivanje i rad Vijeća nacionalnih manjina FBiH nisu jasno uređeni pravnim aktima, za razliku od Vijeća nacionalnih manjina BiH, te da bi se ova pravna praznina trebala jasno i precizno urediti.

Vijeće je jednoglasno odlučilo obratiti se Ministarstvu pravde Federacije BiH i Vijeću nacionalnih manjina Federacije BiH s molbom za pojašnjenje pravnog osnova za izbor članova Vijeća nacionalnih manjina FBiH.

c) Sekretarka je upoznala članove Vijeća nacionalnih manjina BiH s dopisom dostavljenim od Ministarstva za ljudska prava i izbjeglice BiH kojim se najavljuje posjeta specijalnog izvjestioca Evropske povelje za manjinske ili regionalne jezike 9. 12. 2021, te je zaključeno da će svi članovi prisustvovati sastanku, a da će se isti dan, po okončanju sastanka, od 17 sati održati i sjednica Vijeća.

Sjednica je završena u 14.30 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**